

CUSSEGL GROND

Sessiun d'october 2022

Dumonda Gort concernent ils consums d'aua planisads da l'Uffizi da construcziun bassa (UCB)

Cun ses reservuars è la vischnanca da Küblis responsabla per l'aua da stizzar fieu en il tunnel da Küblis. En cas da manaschi normal en il tunnel da Küblis vegnan duvrads ca. 3 m³ aua entaifer 24 uras.

Nettegiament / Mantegniment dal tunnel da Küblis:

A partir da mez fanadur è s'augmentà il consum nocturn sin tranter 30 m³ e 100 m³ pervia da lavurs da nettegiament en il tunnel. Tenor il survegliader dal provediment d'aua è quai en il rom usità.

Tranter ils 8 d'avust 2022 ed ils 12 d'avust 2022 è il consum nocturn en il tunnel schizunt s'augmentà sin valurs da record da 212 m³, quai che ha chaschunà alarms da livel en il reservuar Prada. La funtauna Abibela che emplenyscha il reservuar Prada, furniva da quest temp anc 530 m³ per di.

Sch'i vegnan consumadas en moda planisada pli grondas quantitats d'aua, dessi la pussaivladad da retrair suenter consultaziun ina tscherta part da l'aua ord il tunnel da Saas (provediment d'aua Saas-Claustra). Noss survegliader dal provediment d'aua ha discurrì cun il UCB ed ins survegnia en l'avegnir in plan dal mantegniment.

Gugent supplitgesch jau la Regenza da ma responder las suandantas dumondas:

1. Tenor tge criteris (intervals periodics, cundiziuns meteorologicas, quantitats d'aua duvradas e.u.v.) vegnan fatgas lavurs da nettegiament sin la via naziunala e sin la via chantunala?
 - a. Lavurs da nettegiament en tunnels
 - b. Derschentadas dals allontanaments da l'aua da la via
2. Vegnan ils criteris sin la vias naziunalas prescrits da la Confederaziun?
3. N'è la Regenza betg er da l'opiniun, ch'i fiss da princip endretg ed impurtant, ch'il UCB integrass ed infurmass mintgamai las vischnancas respectivamain ils survegliaders dal provediment d'aua?
4. Na fissi en cas da setgira betg correct, ch'il UCB reduciss en general il consum d'aua per lavurs da nettegiament e.u.v. u che l'uffizi spustass schizunt lavurs planisadas?
5. Fiss la Regenza pronta da sensibilisar en quest senn il UCB respectivamain ils collavurators responsabels?

Cuira, ils 19 d'october 2022

Gort, Dürler, Roffler, Adank, Berweger, Bisculm Jörg, Brandenburger, Candrian, Casutt, Cortesi, Della Cà, Favre Accola, Gansner, Grass, Hartmann, Hefti, Hug, Kasper, Koch, Krättli, Lehner, Menghini-Inauen, Metzger, Morf, Rauch, Salis, Sgier, Stocker, Weber